

Visoki predstavnik pozdravio usvajanje Zakona o deminiranju

Visoki predstavnik Wolfgang Petritsch izražava svoje zadovoljstvo činjenicom da je Parlamentarna skupština Bosne i Hercegovine uspješno usvojila Zakon o deminiranju. Ovaj zakon uspostavlja pravni temelj za razvitak zajedničkih struktura i standarda koji će se primjenjivati na aktivnosti deminiranja širom BiH, tako što će proces učiniti transparentnijim i djelotvornijim.

Međunarodni donatori, koji su do sada osiguravali većinu sredstava za aktivnosti na uklanjanju mina u BiH, jednoglasni su u svojoj potpori Zakonu o deminiranju, te će njegovo usvajanje osigurati njihovu kontinuiranu pomoć pri uklanjanju mina u BiH. Nakon usvajanja zakona, BiH mora racionalizirati svoje sudjelovanje u procesu uklanjanja mina, odnosno odvojiti sredstva u entitetskim proračunima za financiranje centara za uklanjanje mina i isplatu plaća uposlenih u centrima. Time će tijela vlasti BiH pokazati stvarnu opredijeljenost za deminiranje i započeti autentičan partnerski odnos s međunarodnim donatorima u rješavanju pitanja jedne od najopasnijih ostavština sukoba 1992-1995.

Visoki predstavnik očekuje od Centra za uklanjanje mina Bosne i Hercegovine da što prije razradi sveobuhvatnu strategiju za uklanjanje mina u Bosni i Hercegovini, na koju Komisija za deminiranje treba dati svoju suglasnost i Vijeće ministara BiH usvojiti.